



KOMUNIKADO PA PRENSA

Fecha
23 mei 2016

Kolaboradó di Maneho
Corinne Leysner

Email
corinne.leysner@gobiernu.cw

MARKAMENTU DI KAYA TA BAI DIREKSHON BUENA VISTA

Willemstad – Trabounan di markamentu di kaya ta kana bon. Awe, djaluna, ta marka for di Rotònde Palu Blanku bai direkshon di Buena Vista. Ayera nochi a finalisá e parti di Nijlweg for di Frater Radulphusweg bai Palu Blanku.

Ku e proyekto di markamentu di kaya ku material dos komponente, Minister di Tráfiko, Transporte i Planifikashon Urbano, sra. Suzy Camelia-Römer, ta boga pa hasi e kayanan di Kòrsou mas sigur pa tráfiko na un manera duradero.

E trabou ta tuma lugá for di 8'or di anochi te ku 4'or di mainta. Durante di e trabounan e kaminda ta será na ambos banda di kaya pues tráfiko no por pasa i tin ku skohe pa desviashon. Despues di 4'or di mainta, e kaminda ta habrí normal pa tráfiko.

Ministerio di Tráfiko, Transporte i Planifikashon Urbano pa medio di Servisio di Obra Públiko i polis tékniko ta pidi públiko pa tene kuenta ku e trabounan i pa kore ku koutela.